

吉林彙徵

吉林彙徵自序

僕生長蓬廬早失乾陰深懷無告孤憤幽居備平子之四愁甚梁鴻之五噫長卿賣賦渴病滋深方朔為郎飢愁欲死依劉無計徒悽愴以登樓荐范何人獨旁皇於歧路於是抱琵琶而出塞束髮從軍聽威篳於胡天柔腸結轂時則喧笳動地填鼓驚天磧走砂黃峰迴霜紫落日照大旗之色塞馬嘶風荒城鳴戍鼓之聲征鴻叫月每於木葉山前蓮花幕裏磨餘潘燭刻閒陰則當隼折木考不咸遠朔子肅慎通貢之初下迄乎元菟置郡之後蓋以三垣考曜上應箕尾之墟九野分疆古號挹婁之國黑水中分於桐地天餘界接乎掩淪七部之域魏隋殊名五京之稱遼金異壤單單大嶺而太皇蓋馬長白異其稱嶽嶽三江而松花圖們鴨綠別其派碣盤十道鬱棲陵縹多荒穴接九梯楚棘蠶叢甫闢崆峒人武大榮祚稱雄於忽汗河東禹吾天驕鐵骨打得勝於拉林江上至若俗同蒙段地號大荒金鈴繫腰蘇蘇膜拜銅環貫耳牙牙曼歌侏僂昧予語言狂獐成其風俗刀耕火種未頒條教之書鑿齒雕跽不改羗戍之習環象寥隔文軌羈遲則當授齊民要術以訓農法周禮黨庠以教士又若鐵道霆馳金甌蕩賊內侵蟲賊外逼大戍防秋之策多疏銅柱之標盡失甘松互市方恃赤嶺為長城回紇請盟竟棄維州為甌脫食肉之僞慮何能遠卧榻之下睡豈容斬則當置戍己之邊防增戍戍之土斷效李俚盡地力之智用趙過能代田之名他如五行百產寶藏精英玉韞珠輝山川明媚梗栢杞梓犂秀乎

困球琳琅玕貢輸於天府研地質則古禽埋骨指詮鵬鳳於說文標物本則奇獸自皮虎豹龍虎於爾
疋此又白阜莫能剗其奇山經莫能窮其類也今者故宮荆棘已歿銅駝兩成山河難闕鐵柱揮犀自
號強胡自恃危驕冒頓不庭背漢妄思狡逞望風雲於沙漠思將帥於鼓鼙小醜尚存英雄為之解附
匈奴未滅男兒何以家為用是搜集遺文徵求舊說綴為一集名曰吉林棠徵無載是數封之才魏張
華風物之志自知覆瓿聊備采輯嗟乎萬里投荒抱甕府參軍之恨三年羈迹歷為漢委茹之鄉冷兒
偏饒勞薪未息江次翁之供母依舊行傭阮步兵之途窮於途知命曉其歎矣謂之何哉摩崖燕筆試
請待乎他年潤色鴻文章以俟諸君子

民國三年十月合肥如園氏郭熙楞自識於依蘭官廨

吉林為古肅春之國由漢迄今郡國部落錯雜其間唐書白居易傳鷄林賈人求其詩云其國宰相以
一金易一篇是為稱鷄林之始滿洲語烏拉吉林四字連稱烏拉謂江吉林謂沿其僅曰吉林從漢文
而有也然則吉林鷄林亦取其聲音相近云爾豈有他哉顧其山則有長白興安諸嶺蜿蜒迤邐不亞
五嶽之雄奇也其水則有松花混同鴨綠烏蘇里諸江浩瀾汪洋不亞三江之明秀也且其地土田烏
獸魚蟲寶石珍珠嘉禾良藥山珍海錯美備精良不亞九州之華實也然數千百年地利不盡闢人烟
不加密渾渾噩噩樸陋如太古望古城廢壘以及畊隴舊蹟又時流露於蔓草荒烟豈遽盛盛而復
衰與抑筆路盤縷山林猶待啟與不禁唏噓憑弔者久之欲求之記載非獨文獻無徵即覓一竹枝辭
亦不可得蓋清初閉關自守愚昧其民以讀書力田為厲禁不以教育為事又常有文字之獄故記載
寥寥及季世日俄逼處幡然變計改行有置郡縣設民官講求新政網舉月張雖日有進步頃改舊觀
而桑榆收效已失之晚吁可慨已 合肥郭君伽園博雅君子從事吉林公餘之暇博收約取著有吉
林彙徵二卷凡疆域沿革山川支派官兵之編制人物種類風俗旁及金石靡不具備於國界國防尤
為留意所論前清俄約三次之失感地數千里每慨乎言之更以失去海參崴我無海口根據地為可
惜又中國與韓勘圖們江界未定其後雖間島爭回而咸豐十年天津俄約所云海中間之嶺至圖們
江口其東屬俄其西屬中國者計俄里二十有五尚無着落查中韓勘界原有土門江西而屬朝鮮東

北屬中國之語土們即圖們其間應有歸中國海口之地今韓已併於日無論何時我若與俄脩約皆應按照原約據理力爭以為出海之一線而不可稍形退讓一誤再誤致塞咽喉雖然航路固不可緩鐵路亦所當急光緒中葉俄日東清南北滿鐵路縱橫入我疆界門戶洞開藩籬盡撤一旦疆場有事運兵運餉人通而我塞此坐困之道也我惟有吉長鐵路二百六十餘里庸有濟乎亟宜立限展長使依密延寧一帶處處修成唧接一氣或由奉直達京津或由奉旁出灤河或由黑遼繞張庫四通八達制人而不受制於人而電線之按設亦如之至於練兵興學廣屯墾課工藝生聚教養為民國實邊而不同於前清之因循敷衍者又不待言矣語曰前車覆後車鑒又曰亡羊補牢未為晚也有心時局者當不河漢斯言迴憶宣統庚戌余始至吉林有吉林紀事詩之作頗費搜羅今郭君之著是編更徵聲氣應求同一未忘結習但白山黑水共客邊庭時閱三秋風景不殊舉目有河山之異信乎玉氣不足恃而人才之大可貴也後之覽者其亦有感於中發政治思想而進籌邊一策乎

民國二年五月十六日豫章沈兆禔序於依蘭

地志之書之以簡核勝者厥惟明康氏之武功縣志韓氏之朝邑志包括鉅細義例分明後世郡邑官
書競相祖述而莫之或及其私人著述繁博而不失之冗濫者太平寰宇記最為賅洽而范成大桂海
虞衡志典贍詳核尤為傑構明鄭氏露游廣西謨赤雅三卷敘述簡雅論者謂與范志相類顧蓋文人
學士寄跡異地流連景物俯仰今古徵文考獻紀述異同其關於掌故者至偉豈僅記道里之所出與
夫風雲月露之歡歌云爾哉 合肥郭子伽園宿學之士也所輯吉林棠微一書實兼有范鄭二氏之
長受讀既竟輒粗序古今與記之書之得失於此丙辰中伏日王彭識

吉林彙徵

凡例

一興地之學自古為難矧吉林屬在荒徼郡縣建置隨時變更地點沿革古無載籍未易確定是編引徵歷史於郡縣析置互相詮證得以知地輿之沿革焉

一吉林郡縣設治在清光緒初年僅有數屬自改建行省次第設治府廳州縣增至三十餘處然各屬命有源於歷史者有沿用滿語者故於行政區域各縣建置年月之中並述地理歷史滿語土名以誌源流

一政治一門僅列職官兵政外交三項歷記官制沿革軍政施設以及日俄交涉將以循舊章攷新政觀政治之得失供後來之參考若教育墾務實業各要政尚待進行之際姑從闕焉

一種族風俗皆關於政治之進化是編所述或採取前人雜說或得之口耳訊問以及各局調查與官署之報告彙集編成以俟他日採風者有所徵焉

一是編取材史事旁徵舊說如柳邊紀略寧古塔紀略東北邊防輯要吉林地誌鷄林舊聞錄通志政書公私報章皆分別採擇以取翔寔

一地輿人物金石各類間有搜輯一二未能成帙然又不忍割愛故附錄於後以俟大雅君子教之

吉林彙徵目錄

第一章 沿革

第一節 唐虞及周秦

第二節 兩漢三國

第三節 兩晉及南北朝至隋

第四節 唐

第五節 遼

第六節 金

第七節 元

第八節 明

第九節 明季清初

第二章 疆域

第一節 幅輿

第二節 地方行政區域

目錄

目錄

第三章 山川

第一節 吉林境內長白山支脈

第二節 圖們江 附圖

第三節 松花江 附圖

第四節 牡丹江 附圖

第五節 烏蘇里江 附圖

第四章 政治

第一節 職官

行政
軍政

第二節 兵制

司法
外交

第三節 交涉

財政

中韓圖們江勘界始末

中俄勘界始末

第五章 種族

第六章 風俗

第一節 滿漢婚禮之異點

第二節 喪葬特別之禮俗

第三節 滿洲祭祀

第四節 風俗雜誌

第七章 地質

第一節 礦產

第二節 物產

附錄

輿地雜誌

五國城辨

謫戍人物攷

金石攷

目錄

吉林黨徵卷上

合肥郭熙楞伽園甫著

第一章沿革

第一節 唐虞及周秦

吉林為古東方之國其見於史冊者虞為息慎夏商周為肅慎亦曰稷慎史紀五帝紀至於荒服北
山戎發息慎咸戴帝舜之功竹書紀年載帝舜二十五年肅慎來朝獻弓矢書序云成王既伐東夷
肅慎來賀左傳昭九年肅慎燕亳吾北土也山海經云大荒之中有山名不咸有肅慎之國

按肅慎稷慎實皆一國郭璞注山海經謂去遼東三千餘里今名為挹婁國杜預左傳注肅慎北
夷在元范北三千餘里晉之遼東為今之遼陽州元范在遼東東北則自遼東以至北海統名曰
肅慎也

第二節 兩漢及三國

漢武帝元封三年滅朝鮮分置樂浪元菟臨屯真番四部至昭帝始元五年罷臨屯真番以併樂浪
元菟徙居高句驪自單單大嶺以東沃沮濊貊悉屬樂浪後以境土廣遠復分嶺東七縣置樂浪東
部都尉後漢書東夷傳夫餘國在元菟北千里南與高句驪東與挹婁西與鮮卑接北有弱水地方

男

光

霽 霽 霽 霽 霽 霽 霽 霽 霽 霽

校字

二千里本濊地也三國志東夷傳夫餘在長城之北本屬元菟漢末公孫度雄張海東夫餘王尉仇
台更屬遼東時句驪鮮卑疆夫餘介二虜之間又後漢書東夷傳挹婁古肅慎之國也在夫餘東北
千餘里東濱大海南與北沃沮接不知其北所極又東沃沮在高句驪蓋馬大山之東東濱大海北
與挹婁夫餘南與濊貊接其地東西狹南北長可折方千里一名置溝婁去南沃沮八百餘里又高
句驪本出於夫餘其國在遼東之東千里南與朝鮮濊貊東與沃沮北與夫餘接地方二千里

按元菟郡武帝元封四年間屬幽州三有高句驪上殷台西蓋馬等語又據後漢書東夷傳沃沮

在高句驪蓋馬大山之東蓋馬山即蓋馬縣境之山今之長白山也山以南為蓋馬縣北為上殷

一台高句驪為遼水所出即今伊通境

見陳澧東塾集

則今之吉林府伊通磐石皆元菟郡屬也山以東為

嶺東七縣漢滅朝鮮遂並降沃沮濊貊屬樂浪樂浪為七縣統部兼有圖們江南北之地是夫餘

在元菟北千里別為一部高句驪王墓碑有東夫餘北夫餘以四至地界攷之則高句驪以北挹

婁以西當在今長春伯都訥地挹婁在夫餘東北千餘里則長白山以東由寧古塔至混同江所

謂北沃沮不知其北所極是也沃沮有二有南沃沮北沃沮單單大嶺即今之長白山武帝滅朝

鮮以沃沮地為元菟郡後為夷貊所侵徙郡於高句驪西北更以沃沮為縣屬樂浪東部都尉光

兩漢之次沮南北朝之勿吉隋唐之靺鞨皆指此也以當時四至攷之則吉林東南為樂浪次沮西南為元菟東北為挹婁西北為夫餘也

第三節 兩晉及南北朝至隋

晉太康六年夫餘為慕容廆所襲破其王依慮自殺子弟走保次沮七年夫餘王依羅遣請何龕求率見人還復舊國仍請援龕上列晉遣賈況與廆戰廆敗羅得復國又東夷傳肅慎氏一名挹婁在不咸山北去夫餘可六十日行東濱大海西接寇謫汗國北極弱水其土界廣袤數千里居深山窮谷其路險阻車馬不通北史勿吉傳勿吉在高句驪北曰靺鞨其部凡七一粟末部二伯咄部三安車骨部四拂涅部五號室部六黑水部七白山部魏書勿吉傳勿吉國在高句驪北舊肅慎國也國有大水濶三里餘名速末水國南有徒太山魏言太白其傍有大莫盧國覆鍾國莫多回國庫婁國素和國具弗伏國匹黎余國拔大何國郁羽陵國庫伏真國魯婁國羽真侯國又豆莫婁傳豆莫婁國在勿吉國北千里去洛六千里舊北扶餘也在室韋之東東至於海方二千里新唐書北狄傳達末婁自言北扶餘之裔高麗滅其國遣人渡那河因居之或云他漏河東北流入黑水隋書靺鞨傳靺鞨在高麗之北邑落各有酋長不相總一凡有七種即古肅慎氏也所居多依山水東夷中為強國有徒太山者俗甚敬畏

其國西北與契丹相接與隋懸隔惟粟末白山為近隋開皇中粟末靺鞨與高麗戰不勝厥稽部長塔濟率八部勝兵數千人自夫餘城西北舉落內附大業八年詔左十二軍出蓋馬南蘇元莧扶餘沃沮等道右十二軍出肅慎等道征高麗舊唐書東夷傳高麗者出自扶餘之別種也東渡海至於新羅西北渡遼水至於營州南渡海至於百濟北至靺鞨東西三千一百里南北二千里其王高建武貞觀五年築長城東北自扶餘城西南至海千有餘里

按夫餘挹婁晉時疆域與後漢略同惟夫餘王子弟走保沃沮沃沮晉書無傳其疆域未可臆斷至夫餘王被慕容傷虜滅之後至北魏時為勿吉所逐

見魏書高句麗傳

想即為勿吉所併故魏書以後遂不

復見矣勿吉挹婁靺鞨後皆統稱黑水靺鞨太白山徒太皆長白山也粟末即松花江也粟末部居最南抵長白山與高麗接黑水部居極北當在今三姓以東沿混同江各岸自唐取平壤白山部入唐其伯咄安車骨遺人皆併入渤海惟黑水部尚為完疆耳豆莫婁即魏書勿吉傳大莫盧國唐書達末婁所云在勿吉國北千里舊北夫餘北扶餘當在北郭爾羅斯至黑龍江地至高麗滅其國遺人度那河因居之那河即嫩江古名難水所云室韋之東當在室建河口為今伯都訥左右高麗出自扶餘之別種唐薛仁貴既破高麗於金山遂拔扶餘扶餘川中四十餘城皆望風請服是其進兵先從西部攻扶餘南蘇次第取之也高句麗既滅新羅百濟尚存百濟亡而新羅遂兼有二國之地迨

北宋新羅亡時有碑將王姓叛而建國遂曰高麗是今之高麗不過襲高句驪故名耳其領土又有不同者高句驪立國於滿洲據有高麗之平安咸鏡二道若高麗乃建國於朝鮮半島箕子所封朝鮮在今咸京南部一帶三韓故基則分有今高麗全壤故高麗亦名朝鮮又稱韓國是吉林疆域在晉為夫餘挹婁高句驪沃沮北魏為勿吉豆莫婁隋南為白山粟末北伯咄安車骨東為拂涅號室東北黑水窟說莫曳皆虞婁越喜鐵利等靺鞨地也

第四節 唐

唐開元以前為靺鞨高麗及高麗既滅渤海遂興渤海本粟末靺鞨而附屬於高麗者姓大氏高麗滅率眾保挹婁之東牟山築城郭以居高麗通殘稍歸之有乞乞仲象者與靺鞨酋乞四比羽及高麗餘種東走渡遼水保太白山之東北阻興婁河自固武后封為鎮國公其子祚榮併比羽之眾恃荒遠乃建國自號震國王地方五千里先天中為渤海郡王以所統為忽汗州自是始去靺鞨號專稱渤海天寶中徙上京直舊國三百里忽汗河之東建五京十五府六十二州新唐書北狄傳肅慎故地為上京龍泉府領龍湖勃三州上京之南為中京曰顯德府領廬顯鐵湯榮興六州又東京龍原府滅陌故地一曰柵城府領慶鹽穆質四州又沃沮故地為南京曰海南府領沃晴椒三州扶餘故地為扶餘府常屯勁兵捍契丹領扶仙二州拂涅故地為東平府領伊蒙沱黑比五州率賓故地為率賓府領華蓋建

三州以涑州為獨奏州以其近涑沫江蓋所謂粟沫水也以鐵利州為鐵利府其北曰黑水靺鞨舊唐書北狄傳開元十三年安東都護薛泰請於黑水靺鞨內置黑水軍續更以最大部落為黑水府以其首領為都督諸部刺史隸屬焉中國置長史就其部落監領之又新唐書北狄傳黑水東北又有思慕部蓋北行十日得郡利部東北行十日得窟說部亦號屈說稍東南行十日得莫曳皆部又有拂涅虞婁越喜鐵利等部其地南距渤海東際於海西接室韋南北袤二千里東西千里拂涅鐵利虞婁越喜時時通中國而郡利屈說莫曳皆不能自通

按一統志渤海所置五京十五府六十一州多在吉林烏拉寧古塔及朝鮮界五京在吉林者四十五府在吉林者九其上京龍泉府所謂渤海王城實維挹婁故懷今寧古塔西大柞榮所居忽汗州據滿洲源流考為今寧古塔呼爾哈河也呼爾哈河匯於寧古塔城西南一百里之畢爾騰湖湖廣五六里袤七十里許中有三山即所謂忽汗海也則忽汗州為今牡丹江流域當為敦化縣境中京顯德府據賈耽道里記自神州陸行四百里至顯州又云自鴨綠江口東北行千二百餘里乃至顯州神州為今奉天通化縣東境顯州距神州四百里當在今吉林府西南及伊通東南境遼史地理志謂渤海忽汗州即故平壤城也號中京顯德時太祖攻渤海拔其城以為東丹王國又曰葺遼陽故城以渤海漢戶建東平郡遷東丹國民居之又曰東京魏時為高麗平壤城遼東京本此唐於此

置安東都護府攷安東都護府本在平壤上元三年徙遼東郡故城儀鳳中徙新城即今遼陽州治
遼史據後徙之區猶指為初置之所已相去五百里而以忽汗州為平壤又以顯德府為忽汗州並
以上京中京合為一區其誤甚矣東京龍源府歲陌故地歲陌在漢屬樂浪郡即今朝鮮江源道等
處是也其所云大欽茂東南徙東京又云東南瀕海日本道攷南京南海府為今琿春在上京之南
率賓在上京東南又其東為錫赫特山於上京為東南兩面皆際海與日本相值想即渤海東京地
也其鹽慶穆賀四州今已不可考南京南海府唐書云南海新羅道也又云沃沮故地沃沮即今圖
們江北以迄今之威鏡道等處以地考之則南京當為今威鏡道北界及琿春之地扶餘故地為扶
餘府遼史太祖平渤海次扶餘城有黃龍見於城上更名黃龍府其所屬扶仙二州扶州當因扶餘
得名仙州後不復見通志以通州所屬扶餘縣即為仙州但遼史屬龍州者八龍州即黃龍府為長平富利
佐慕肅慎永寧豐永扶羅永平等縣屬通州者七為扶餘布多顯義鶴川強師新安魚谷等縣即指
仙州為扶餘未為確也東平府為拂涅故地新唐書北狄傳東北曰伯咄部又次曰安車骨部並東
曰拂涅部安車骨部今阿勒楚喀及五常府境則拂涅部當在寧古塔三姓之間今寧古塔城西南
八十里古城俗呼東京城亦曰佛訥和城即明佛納和衛地與拂涅音近又在安車骨部東知為寧
古塔地無疑遼史以為遼州始平軍地則在奉天以西其相去遠矣率賓府即今綏芬河金置率賓